

2020 – 2021 оқу жылындағы ата – аналармен жүргізілген жылдық жұмыстардың талдауы

№ 39 қазақ орта жалпы білім беру мектебінде 2020 – 2021 оқу жылы бойынша мектеп оқушыларының ата-аналарымен жүргізілген жұмыстар жоспарлы түрде жүзеге асырылды. Оқу жылының басында санитарлық -эпидемиялогиялық жағдайларға байланысты ата-аналар жиналыстары қашықтан өткізіліп, мектеп оқушыларының өмір қауіпсіздігіне байланысты түсіндірме жұмыстары жүргізіліп, қолхат алынды. Мектеп ата-аналарының жалпы ата – аналар жиналысы онлайн форматында, жылына 6 рет ұйымдастырылып өткізілді. Тамыз айының 20 күні Zoom платформасында «Жаңа оқу жылында балаларды оқыту туралы» жалпы Республикалық ата – аналар жиналысы өтті. Ата – аналар жиналысының мақсаты: коронавирустық инфекцияның таралуына жол бермеуге байланысты карантиндік шаралар жағдайында жаңа 2020 – 2021 оқу жылындағы оқытудың ерекшеліктері туралы ата – аналарды (балалардың заңды өкілдерін) хабардар ету болып табылады. Ата – аналар жиналысының күн тәртібіндегі сұрақтар:

1. Жаңа оқу жылындағы оқу форматтары;
2. Оқытудың штаттық режимінде санитарлық талаптарды сақтау;
3. Қашықтан оқыту: балаланың іс әрекеті және жұмыс орны;
4. Қашықтан оқыту процесі жүргізілетін білім беру Интернет – платформасымен танысу;
5. Жаңа оқу жылында білім алушыларды бағалау жүйесі;
6. Баланың оқу режимі және демалысы;
7. Баланың өздігінен оқуға қалай ынталандыруға болады?
8. Интернетті қауіпсіз пайдалану үшін ата – аналарға балаларына үйрететін ережелер;
9. Интернеттегі балалардың жұмысын ата – ана бақылауы, ережелерімен таныстыру;
10. Ата-ана мен баланың қарым – қатынас психологиясы.

Қыркүйек айының 26 күні Zoom платформасында білім алушының уақытын интернет желісі аясында тиімді пайдалану, бақылау, қадағалау мақсатында ата – аналар мен «Қауіпсіз интернет» тақырыбында ата – аналар жиналысы ұйымдастырылды. Жиналыс 2 – кезеңнен бойынша яғни 1 – кезең сағат 10:00 де, ал 2 – кезең сағат 11:00 де өткізілді. Ата – аналар жиналысында 2 мәселе қарастырылды:

1. Қауіпсіз интернет;
2. Құқық бұзушылықтың алдын алу бойынша түсіндірме жұмыстары жүргізілді. Ата – анаға бала үшін интернеттегі 10 қауіпсіз ережесі түсіндірілді. Ата – аналарға өз балалараның интернет желісін қалай

қолданылатыны жөнінде, жиі қолдануға тыйым салатындары туралы айтылып, толықтай қамтылды.

Қаңтар айының 18 күні Zoom платформасында және Whats App желісі арқылы ата – аналар жиналысы өтізілді. 2020 – 2021 оқу жылындағы II тоқсан қорытындысы бойынша ата – аналар жиналысындағы қарастырылған басты мәселелер:

- «Рухани жаңғыру тәрбие үрдісінің жаңа көкжиегі» тақырыбында әр түрлі форматта дөңгелек үстел, әңгімелер, коучинг, баяндама;
- II тоқсан қорытындысы;
- Әр түрлі мәселелер;
- Бала мен жасөспірімдердің жыныстық қолсұғылмаушылығына зорлық пен қастандықты болдырмау және алдын алу туралы.
- Құқықбұзушылықтың алдын алу шаралары.

Мектепке алып кіруге және қолдануға тиым салынған заттар туралы «Снюс» шегуге арналған темекі және темекісіз өнімдерін әкелуге, өндіруге, сатуға және тартуға тиым салу туралы түсіндірме жұмыстарын жүргізу.

- Мектептің ішкі тәртіп ережесін сақтау туралы (мектеп формасы, мектепке ұялы телефонды ұстауға тиым салу, сабаққа қатысым туралы) толықтай мәліметтер берілді.

Мамыр айының 22 күні Zoom платформасында және Whats App желісі арқылы жалпы Республикалық ата – аналар жиналысы өткізілді. Жиналысқа қашықтықтан 1 және 11 кластардың ата – аналары қатысты. Әр кластың сынып жетекшісі ата – аналарға 2020 – 2021 оқу жылының аяқталуы мен білім сапасы, үлгерімі, сыныптың жыл көлеміндегі іс – шараларға қатысуы, сыныпқа сипаттама беріп, ата – аналарға жазғы демалыстағы балалардың қауіпсіздік ережелері туралы хабардар етіп, барлық ата-аналардан қолхат алынды. Сонымен қатар ата – аналарға «Жазғы мектеп» туралы түсінік жұмыстарын жүргізіліп, ата – аналардың қойған сауалдарына жауап берді.

Мектеп ата-аналары сырттай өткізіліп жатырған байқауларға да қатысып, өз шығармашылықтарын көрсетіп, белсенділік танытты. Ақиық ақын Мұқағали Мақатаевтың 90 жылдық мерей тойына орай «**Поэзия, менімен егіз бе едің...**» атты аналар арасында өткізілген мәнерлеп оқу байқауына қатысып, шеберлік танытқаны үшін 4 «б» класының ата-анасы Бекжанова Жадыра II-орынмен, 5 «в» класының ата-анасы Әбдібек Ақнұр II орынмен, 7 «Б» класының ата-анасы Мустафина Алтынгүл I-орынмен марапатталды.

Сонымен қатар 2019-2020 оқу жылында ата-аналар арасында ұйымдастырылған «Ең үздік ата-аналар ұжымы»байқауы жалғасын тауып, 2-кезең «Патриоттық әндер»байқауы өткізіліп, ата-аналар белсенділік танытып қатысты.Қорытындылай келе,санитарлық-эпидемиялогиялық жағдайларға байланысты жоспарлаған іс-шаралардың басым бөлігінің өткізілуіне кедергі келтірді.

Ұсыныс: 2021-2022 оқу жылы бойынша ата-аналармен жұмысын жандандыру;

Мектеп -ата-ана-ұстаз байланысын ынтымақтастығын арттыру іс-шараларын жоспарлау;

Әкелер,аналар институтының жұмыстарын мақсатында мектеп оқушыларының ата-аналарымен жұмысты жандандыру ;

Мектеп директорының
тәрбие ісі жөніндегі орынбасары

С.Таяуова